

Comment. In Danielem

- eo super Sion montem sanctum eius , p-
dicans præceptum eius . Non conuenire
autem hæc Davidi auctori psalmi indi-
cant, quæ statim sequuntur: Dominus dixit
ad me, filius meus es tu, ego hodie genui
te. Quem locum diuus Paulus capite
- Hebr. 1.** 1. epistolæ ad Hebræos in Christo interpretatur, probans esse eum Angelis præstantiorem, à patre cœlesti genitum, de
Ambro. ipsius essentia. Ita Ambrosius, Chrysostomus, Theophilactus, Primasius, & alij locum illum explanant. Dicēs Deus pater:
Theop. Primas. Ego hodie genui te, significat eum esse filium suum naturæ. Quem admodum ens, siue qui est, nomen Dei est, quia in eo nihil est præteritum aut futurum, sed omnia præsentia, ita hoc loco: Ego hodie genui te, hoc vox hodie non tempus significat, sed æternitatem, vt fit sensus: Ego ab æterno genui te. Athanasius tamen ait, verba hæc: Filius meus es tu, ad diuinitatem referri, illa autem: Ego hodie genui te, ad humanitatem. Theodorus autem & Hilarius asserunt Dauidem hoc versiculo prædixisse Christi reditum ad vitam. Imò ipse Paulus, qui in epistola ad Hebræos hoc de Christi generatione interpretari videtur, in oratione quam habuit, à Luca in
- Act. 13.** Actis apostolorum literis mandata, ostendit vocabulum, hodie, tempus illud significare, quo Christus ab inferis resurrexit. Ita enim ait de patre loquens: Resuscitās Iesum, sicut in Psal. 2. scriptum est: Filius meus es tu, ego hodie genui te. Sed non est mirandum, eum certissimum sit, vni atque eundem locum diuinæ scripturæ multos posse habere sensus etiam literales. Sed vt vnde digressa est, reuertatur oratio: Christus Deus noster Rex verus est. De illo enim ait psalmographus Psal. 73. Rex noster ante secula operatus est salutem in medio terræ. Vbi per medium terræ Basiliius intelligit Hierosolimam. Poteris tamen interpretari, in medio terræ, hoc est palam, & coram mortalibus tanquam id in theatro spectantibus. Et Psalmo 149. Latetur Israel in eo, qui fecit eum, & filiz Sion exultent in rege suo: Et Esaias capite 3. Ecce, inquit, regnabit rex in iustitia, & principes eius in iudicio
- pergerunt. Et capite 33. Dominus iudex noster, dominus legislator noster, dominus rex noster, ipse saluabit nos. Audi Ieremiam Iere. 23. Deum patrem id prædixisse asserentem: Ecce dies venient, dicit dominus, & suscitabo Dauid germen iustum, & regnabit rex, & sapiens erit. Et faciet iudicium & iustitiam in terra. In diebus illis saluabitur Iuda, & Israel habitabit confidenter, & hoc est nomen, quod vocabatur eum, Dominus iustus noster. Hunc locum non solum catholici, sed etiam Hebræi intelligunt de Messia, quem Deus appellat germen, siue semen, siue fructum Davidis, quia ex eo secundum carnem duxit genus suum. Vocabulum Dauid est in dauidico tam in Hebræo, quam in Græco. Et vocabulum Hebræum significans germen significat etiam Orientem. Qua ratione ducti septuaginta interpretes vererunt: Et suscitabo Dauidi Orientem iustum. Oriens enim Christus appellatur, vt apud Zachariam capite 3. Adducam seruum Zach. 3. meum Orientem. Et capite 6. Ecce vir Oriens nomen eius. Et vbi nos habemus: Hoc est nomen, quod vocabatur eum, Dominus iustus noster, pro domino est in Hebræo Iehouah, quod nomen Deum significat, & nemini nisi Deo tribuitur. Cōstat igitur ex hoc Ieremiz loco, Christum esse ex familia Davidis, & esse regem, & verum Deum. Et Sophonias capite 3. Latere, inquit, & exulta in omni corde filia Ierusalem: absultit dominus iudicium tuum, auertit inimicos tuos, rex Israel dominus in medio tui. Vbi pro domino est in Hebræo Iehouah nomen Dei ineffabile. Aspicias igitur hunc diuinum vestem absistere Messiam regem esse atque Deum. Ideo vocatur Iesus Christus, hoc est Saluator & vnctus, solus Deus est verus Saluator, & ipse est verus rex, olim enim rex vngebatur. Vnde volens Mathæus significare eum esse Deum & regem dixit: Liber generationis Iesu Christi. Id quod diuini vates prædixerant. At tanta est Iudæorum cæcitas, tam terribis tenebris operiuntur, vt expectent Messiam purum hominem, magnas illis ac multas diuitias terræ allaturum. Nihil se extollunt à terra. Eorum